

Imaalillutit aningaaserivimmut nuussinnaavutit

Aningaaserivimmut allamut konto-tit nuukkusukkukkit qanoq iliussavit?

Aningaaserivittaat ima attaveqarfigisinnaavat; telefonikkut, Internetikkut imaluunniit nammineerlutit immikkoortortamut saaffiginnillutit. Aningaaserivittaat nuussinermut nalinginnaasumik aalajangersimasumik attaveqarfigilissavat. Arlaannilli pisoqarsinnaavoq aningaaserivittoqqat attaveqarfigisariaqarlugu.

Aningaaserivittaavit qanoq sullisissavaatit?

- Kontot nutaaq pilersissavaa
- Kissaatigigukku akiligassatit aningaaserivittoqqavit Betalingsservice-imut nalunaarsimaisai aningaaserivittaavit imminut isumagisumik nuussavai.
- Akiligassatut allanik nuutassaqaaruit, Betalingsservice-imut nalunaarsimanngitsut, ilaallutik eIK-mut nalunaarnerit, taakku nuunnissaat pillugu aningaaserivittaat qinnuigisinnaavat. Akiligassat suut nuunneqartussat pillugit nalornissuteqaaruit, aningaaserivittaavit akiligassat tamakku pillugit nalunaarsuutit aningaaserivittoqqannut qinnutigisinnaavai. Aningaaserivittaavit nalunaarsuutit tigugunigit, taakku eIK-mut akiligassatut nuunnissai/nalunaarutiginissai pilerseqqissavai.
- Kontonit aningaaserivittoqqannit nuukkusutatit pillugit "Nuussinissamut qinnuteqaat" suliarineqassaaq. Qinnuteqaat atsiussavat. Aningaaserivittaavit qinnuteqaat aningaaserivittoqqannut nassiutissavaa.
- Pisariaqassappat kontot pillugit paasissutissat nutaat aningaaserivittaavit attuumassuteqartunut nalunaarutiginissaannut ikiussavaatit, soorlu sulisitsisunnut.
- Isummerfigissavat, konto nutaaq Nem-Konto-tut nalunaarsorneqassanersoq (Danmarkimi pisortanit ilinnut akiligassanik pissarsisarnerit, soorlu meeqqanut tapit imaluunniit akileraarnermi akiliivallaarsimanerit).

Aningaaserivittoqqat qanoq iliussava?

- Aningaaserivittaavit piunasaqarneratigut aningaaserivittoqqat akiligassatut nuutassat, Betalingsservice-imut nalunaarsimanngitsut, pillugit nalunaarsuissaaq, kiisalu ilisimatit-sissutigalugu eIK-mut nalunaarsimanersutit. Nalunaarsuutit aningaaserivittaannut nassiunneqassapput, assilineralu ilinnut nassiunneqassalluni. Taamaalereerpat aningaaserivittoqqavit akiliisarnerit tamakku unitsissavai.

- Aningaaserivitoqqavit "Nuussinissamut qinnuteqaat" tiguguniuk, aningaaserivitoqqavit kontot pineqartut, aningaaserivittaannut nuunnissaanniut qinnutigisimasatit, matunissai isumagissavai. Kontoni pisoqqani uninngasuutitit aningaaserivittaannut nuunneqassapput.

Qanoq akeqarpa?

Konto-p tigorianaakkap pisoqqap matuneranut atatillugu sullinneqarnermut aningaaserivitoqqannut akiliissanngilatit¹ (soorlu Appaløn, Flexkonto, Budgetkonto) imaluunniit akiligassatut nuuttassat Betalingsservice-imut nalunaarsimanngitsut nalunaarsornerinut².

Aningaaserivitoqqanni aammalu aningaaserivittaanni aningaaseriviup sullissinermut akiliutigisartagaat pillugit nalunaarsuutinik tunineqarsinnaavutit. Nalunaarsuutit tamakku aningaaseriviup nittartagaani takuneqarsinnaapput.

Kontonik nuussinerit nalaanni pisariaqanngitsumik kinguaattoornerit aningaaseriviit pisuussutigisaat ilinnut eqquisariaqangillat.

Akiligassanik nuussisarnerit nuunneri qanoq sivilutigippat?

Akiligassanik nuussisarnerit nuunneri pissapput aningaaseriviit ammanerini ullut 7-it iluanni, tassa aningaaserivittaavit paasissutissat attuumassuteqartut ilinnit aamma aningaaserivitoqqannit tigunerinit. Akiligassanik nuussinerit pillugit paasissutissanik aningaaserivitoqqannit pisarsiniassagaanni, taanna aamma aningaaseriviit ammanerini ullunik 7-inik saaffiginninnerup akinissaanut periarfissaqarpoq. Taamaassappat aningaaseriviit ammanerini ullut 14-it angusinnaavaat, akiligassanik nuussinissat pillugit sullinneqarnerit inissinnissaasa tungaannut.

Maalaaruteqarusuppit?

Kontonik akiligassanillu nuussinerit nuunneri naatsorsuutigisattut isumagineqanngippata, aallaqqaammut aningaaserivittaat attaveqarfigissavat.

Tamakku suli naammaginngikkukkit uunga saaffiginnissinnaavutit; Finanstilsynet, Århusgade 110, 2100 København Ø.

Maalaaruteqarnerit aningaasatigut pisuussutit inatsisitigut aaqqiagiinnginnermut attuumassuteqarpat, tassa aningaasaqarnikkut pingaaruteqartut pillugit, suliaq uunga tunniussinnaavat; Atuisartut Maalaaruteqartarfiat, Postboks 689, 3900 Nuuk.

¹ *Kontot qaammatit 12-it inorlugit pigisimagukku akeqanngitsumik matusititsinissannut piumasaqarsinnaanngilatit*

² *Tassani tunngaviuvoq paasissutissat tamakku aningaaserivimmi imminut isumagisumik pilsarsiarineqarsinnaappata, kingumullu qaammatit 13-it sinnerlugit atuussimanngippata.*